

PRESTU PRESTU TOTU PASSAT

Nudda sciendi s'omini
crispu vagabundat in su mundu.
Cuaddighendi po carrelas
tanti' cosas du castiant,
sulendi in su fogu
lassendiddu a isperai
faendiddi nasci' appeddiu:
una stella coàina,
floris asulus de campu
o un'isca birdi de canna
o s'ogu de una mannalitta,
ovveru, a is bortas,
coment'e chi alguna cosa,
mai bista prima, eppuru
tanti tempus appetessia,
cumparressit tot'in d'una
e unu velu si pesessit.
Prestu prestu totu passat
e s'ordivinzu mai scioltu
po no hai ciappau sa crai 'e su misteriu
de tanti maraviglia
abarrat criau in su segretu.
Lompit s'omini desupetoni a sa beccesa
e, marruscu coment'e unu mazzone
o sabiu coment'e unu dottori,
ascurta, ascurta, ottora abettat 'e sciri.
Ma totu est tristu insaras
e difficili a cumprendiri
mancai aggradessiu.

TUTTO SVANISCE PRESTO

Molto ignorando l'uomo / vaga frettoloso / sulla terra. / Cavalcando per contrade / troppe cose lo guardano / provocando e promettendo / suscitando desiderio; / una stella serotina, / una campanula azzurra, / un lago verde di canne, / l'occhio d'una mucca / e, talvolta, / come se qualcosa / di non mai veduto / eppur da tanto agognato / apparisse all'improvviso / e un velo cadesse. / Ma tutto svanisce presto / e l'enigma irrisolto / per non aver carpito / la chiave del mistero / di tante meraviglie / resta un segreto incanto. / Giunge di soppiatto / l'uomo alla vecchiaia / e, scaltrito come una volpe / o saggio come un sapiente / con l'orecchio teso / ancora aspetta di sapere. / Ma tutto è allora / triste e incomprensibile / anche se, in fondo, bello.